

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Eskubideak direla eta

Harkaitz Millan (*Gazte Abertzaleak-EAko kidea*)

Momentu batez PSEren baitan ikusi ahal izan genuen argia itzali egin zaigu berriz ere. Argia ematen zuen su ttipia itzaltze-
ra lasterka abiatu baita Redondo Ter-
ros Jauna, suhiltzailea balitz bezala. Autodeterminazioa, eskubidea ez eta abertzaleon «fetitxe» bat dela dio orain Arabako, Bizkaiko eta Gipuzkoako PSO-
Eren buruak. Etxeko liburutegian hain-
bat hauteskunde programa ditut. Zein ezberdintasun duela 20 urteko PSE-
ekin! Noski, orduan Nafarroan ere PSE
zen eta ez PSN! Orain beren diskurtsoak
ez du zer ikusirik. Nahiz objektiboki guz-
tiz inkoherentea izan errespetatzen dut.

Baina autodeterminazioa abertzaleon
«fetitxe» bat bada, zer arraio defenda-
tzen zuen duela 20 urte PSEk bere hau-
teskunde programetan? Abertzaletasu-
na? Euskalerraren independentzia? Edota euskaldunok gure etorkizuna era-
bakitzeko dugun ahalmena? Nire uste
apaletan nahikoa dute PSOEkoek PP
neofrankistaren nazional-liberalismoari
jarraitzearekin! Zer behar dute politika
propiora itzultzeko? Zer Euskalerriko
eskubide demokratikoren alde aritzeko?
Argitu daitezela behingoz PSOEkoak!!

Oztibarre-Bunuze

Arño Harizpuru • BUNUZE

Iragan ibiakoitzean izan da gaztain jate


bat eskualdun presoen berrino batzu-
en jakiteko, laguntza ekartzeko etxeko
eta adixkideri, artetan goraintzi helaraz-
teko, gastuetan parte hartzeko. Bertsu-
lari, marrazkilari eta kantariak hor ziren.
Ontsa iragan dira multzo eder baten
aitzinean; bakotzak bere laguntza eka-
rriz du dei hori ihardetsiko.

Iragan Oztibarreko zortzi herrien
batasuna seinalatzen duen igandean
bazen bertze bestarik ere: Hazparnen
laborantza biologikoaren eguna; Donaixtin eskual presoan fagoretan bil-
kura, eguerdiko apairuarekin... Gure
etxea aberats baita jendez, hiru zahar
eta hiru gazte orainokoa, bazen Haz-
parnen bat bixtan dena, bat Oztibarreko
bestan, eta nihaurre presoentzat moldatu
egunean.

Ari izan gara eleketan presoek, bai
eta girstino onak larunbateko korme-
zan izan behar zituzkeela Jainkoare-
kin akort izateko. Eta elea bezain mer-
kerik ez baita, aitzina segitu dugu ez ote
zenez eskual presoek gehiago axolatu
behar: «Preso nintzan eta ez zaizte jin
ikusterat». Erran hortan ez da orduko
presoa haurkeriaz ohontza batendako
ala bertze arrazoi batendako zenez kar-
tzelatua.

Nago ez ote diren eskualdun presoak
orduko presoek gisa buruzkin batzuk
beren parean dituzten indar menpera-
tzaler buruz. Nork erran lezake eskual-
dun presoek arrazoi beren-
gatik direla preso? Agur Oztibarreko
girstinoek eta ez orok batean egin arra-
postu.

montxo



galdeiozu... ?

hirusta

Asisko Urmeneta

IXIAR
ROZAS

Idazlea

Zer moduz tratatzen zaituztete idazle gazteak Euskal Herriko hedabideek? Eta Euskal Idazleen Elkartek?

Ihiune Sagarzazu (Irun)

Egia esan, hedabideetan lekua egiten digute, ba-
tzueta gehiegi; izan ere gaztea izateagatik, eus-
karaz idazteagatik, eta emakumea bazara zer esa-
nik ez, albiste bilakatzen zara. Askok pentsatzen
dute hedabideetan ateratzearekin dena eginda
dagoela. Hala ere, hedabideetan baino, egunero-
ko lanean erakutsi behar diozu zeure buruari idaz-
le zarela. Bestalde, Euskal Idazleen Elkartean ba-
dira oraindik hobe daitezkeen gauzak, baina oso
lan garrantzitsua ari da egiten idazlearen alde, baita
gaztearen alde ere. Literatur lantegiak, solasaldiak,
hitzaldiak, Idazleak Ikastetxeetan programa... As-
ko dira Elkartek antolatzen dituen iharduerak.

Azaroaren 20tik aurrera **Martin Fiz • atleta** izango da Galdeiozu
ataleko gonbidatua.
Bidali zure galderak ordurako.



Türkak eta kürdak

Loti omen daukate geurtzeko pastoralara-
ren sujeta, eta ez ederra, baina fran-
tziar mustatx haundia. Folklorada oso-
ki. Ikus Izagirreren *incursiones* in Pamiela, ez-
paita hobeki kondatzen ahal harako futre ha-
ren faltsukeria.

Disneyen filmetan bezala, katua delarik pro-
tagonista, zakurra gaizto; eta kinberrez. Ikus
Aristokatuak edo *Dama eta Erromesa*; Loti bu-
netaz, eta Ramuntcho kontrabandista ate ur-
dinetik; Loti duanierraren kasketaz ordea, eta
Ramuntxo türka fumigarri.

Haria horretaz ikusiak gara Joana III Euska-
raren erregina gaixtoen atetik sar-jalgika eta
Frantziako Catherine Medicis, ustela kirolez,
kürdenetik. Sujet: Lukuzeko Jauna, ultrapapa-
pista eta pederasta.

Harizpe inperialismoaren eskumakilak ere
izan du bere pastoralara, gerla, zanpaketa eta
arroztea hedatu baitzituen alderen alde: Fran-

tsesteak espainuldu egin gintuen-mende be-
rantago alemanek frantsestuko gintuzten iza-
rian-zioen Campion trixteak. Harizpek eta
Mendirik herra eta izua zabaldu zituzten Iru-
ñerrian; bada oraiko egunean ere poliziburu
garaztarraren izenaz haurrak mehatxatzen di-
tuen gurasorik.

Ikusiko ote dugu inoiz De Lancre pastoralara?
eta Jose Antonio Ardantzarena? Emilio Mola
Vidal? Jean Hiribarnegarai (aGurs jaunak)?
GAleko blonda? eta Akitaniakoarena? Del
Burgotarrak? Margaret Thatcher?

Loti sujet. Holakorik oraino. Eta hala eta gu-
ziz ere, abiatu egingen gara ikustera; Etxakin ze-
rendako, baina Pastoralak baditu beti ere Dis-
neyk dauzkan fantesia muzitu eta pipiatu hori,
pedagogia erreakzionarioa, azalkeria, koro ze-
rutiarrak, hizkuntzaren itxura, infantilismo ka-
tolikoa eta jandarmak poteoan. Teatria oiha-
lez bi aldeetan.